



Saksprotokoll

Organ: **Fylkestinget**

Møtedato: 08.12.2015

Sak nr.: 15/11684-3
Internt I.nr. 53435/15

Sak: 62/15

Tittel: **Regional plan for vassregion Møre og Romsdal**

Behandling:

Frå fylkesutvalet låg det føre slik tilråding til vedtak:

1. Fylkestinget vedtek *Regional plan for vassforvaltning i vassregion Møre og Romsdal 2016-2021* for dei areala som gjeld Sogn og Fjordane.
2. Fylkestinget vedtek Handlingsprogram for *vassregion Møre og Romsdal 2016* for dei areala som gjeld Sogn og Fjordane
3. Fylkestinget vedtek *Tiltaksprogram vassregion Møre og Romsdal 2016-2021* for dei areala som gjeld Sogn og Fjordane.
4. Fylkesutvalet legg til grunn at dei konkrete miljømåla som er nedfelt for svært modifiserte vassforekomstar (SMVF) i fyrste planperiode er i samsvar med det som er dagens tilstand i dei aktuelle vassforekomstane, eller at dei kan oppnåast med dei tiltak som regulantane og andre no allereie har sett i verk.
5. I høve nasjonale laksevassdrag med høg risiko for flom og skred som krev tiltak for å betre samfunnstryggleiken, må det opnast for endringar i noverande miljømål etter grundige risiko og nytte/kostnadsutgreingar.

Endringsframlegg:

Senterpartiet, Arbeidarpartiet, Høgre, Kristeleg Folkeparti og Framstegspartiet sette fram slikt framlegg til nytt punkt 4:

Fylkestinget legg til grunn at det i fyrste planperiode ikkje er framlegg om nye avbøtande tiltak i regulerte vassdrag som medfører reduksjon i kraftproduksjonen.

Sosialistisk Venstreparti, Venstre og Miljøpartiet Dei Grøne sette fram slikt framlegg til vedtak:

Punkt 4 i tilrådinga frå fylkesutvalet går ut.

Avrøyting:

Framlegget frå Sosialistisk Venstreparti, Venstre og Miljøpartiet Dei Grøne fekk 4 røyster og framlegget fall.

Framlegget frå Senterpartiet, Arbeidarpartiet, Høgre, Kristeleg Folkeparti og Framstegspartiet fekk 26 røyster og vart dermed vedteke.

Punkta 1 til 3 og 5 i tilrådinga frå fylkesutvalet vart samrøystes vedtekne.

Dette gir følgjande endeleg vedtak:

1. Fylkestinget vedtek *Regional plan for vassforvaltning i vassregion Møre og Romsdal 2016-2021* for dei areala som gjeld Sogn og Fjordane.

2. Fylkestinget vedtek Handlingsprogram for *vassregion Møre og Romsdal 2016* for dei areala som gjeld Sogn og Fjordane
3. Fylkestinget vedtek *Tiltaksprogram vassregion Møre og Romsdal 2016-2021* for dei areala som gjeld Sogn og Fjordane.
4. Fylkestinget legg til grunn at det i fyrste planperiode ikkje er framlegg om nye avbøtande tiltak i regulerte vassdrag som medfører reduksjon i kraftproduksjonen.
5. I høve nasjonale laksevassdrag med høg risiko for flom og skred som krev tiltak for å betre samfunnstryggleiken, må det opnast for endringar i noverande miljømål etter grundige risiko og nytte/kostnadsutgreiingar.